

Creyazi3n literaria

DUESO LASCORZ, Nious Luzía: "En una borda en Belén",
Luenga & fablas, 7 (2003), pp. 111-113.

En una borda en Belén

Nious Luzía DUESO LASCORZ

*"Tos ha naixido oi en la ziudad de Dabid
un Salvador, que ye el Mesías, el Señor."
(Lucas, 2, 11).*

I hai una borda escondida
En el lugar de Belén.
Tiene una lumbré enzendida...
¿Qué l'abrá puista enzender?
No l'anziende nengún ombre
No tiene con qué poder.
¿D'án ha saliu ixa lumbré?
¿Qué l'abrá puista enzender?
Es profestas l'eban dito:
– No ye chicota Belén,
Qu'allí naixerá el Mesías,
el Salvador d'Israel.
I hai una lumbré enzendida
En una borda en Belén.
Si no l'anzienden es ombres,
¿Qué l'abrá puista enzender?
¿L'han enzendida es profestas?

¿L'eba enzendida Israel?
L'eba enzendida Dios mismo,
Perque acaba de naixer
El Mesías qu'esperaban
En una borda en Belén.
"Gloria a Dios en las alturas",
Cantan es ánehels de nuei.
Es estrels son reluzindo.
Es ánehels, bolan lixers.
Gloria al Mesías que ye
En una borda escondido
Con una mula y un güei.
Con la suya mai, María,
Con el suyo pai, Chusép.
"Son es ánehels per el zielo,
Per el zielo de Belén.
L'aplenan de luminarias.
La nuei reluze. Se bei
Cómo tornan la nuei día
De tanto resplandezer.
Es ánehels ya son bolando
Y cantando per Belén,
Perque ha naixido el Mesías,
Son llamando a's pastorez.
Y llaman a toz es ombres
D'el mundo, ta bier án ye."
Que ye en una borda escura,
Chelau de frío, el Mozet,
Que toz es ánehels adoran
Y l'adoran todas las chens:
El ye la lumbre enzendida
En el lugar de Belén.
Que l'ha enzendida l'amor...
Y que, de tanto querer,
Nos ha redimido a toz.

Que ta ixo ba naixer.
Deixa-nos bení a adorar-te
En ixa borda en Belén.
Aquela lumbre enzendida,
¿Quí l'abrá puista enzender?
Nos l'ha enzendida l'amor...
L'amor de Chesús que, eterno,
Nunca deixa de querer.

17.12.2003

Nieus Luzía DUESO LASCORZ